

293 ir sît gewaldec ob der wer.  
 bêde ûf erde unt in dem mer,  
 waz entrinnet iworm kriege,  
 ez vlieze oder vliege?  
 5 Vrou Minne, ir tâtet ouch gewalt,  
 dô Parzival, der degen balt,  
 durch iuch von sînen witzten schiet,  
 als im sîn triwe dô geriet.  
 daz werde, kiusche, clâre wîp  
 10 sande iuch ze boten an sînen lîp,  
 diu kûnegîn von Pelrapeire.  
 Kardeiz fiz Tampenteire,  
 ir bruoder, nâmet ir ouch sîn leben.  
 sol man iu sölhe zinse geben,  
 15 wol mich, daz ich von iu niht hân,  
 ir enwolt mir bezzer senfte lân.  
 Ich hân gereit unser aller wort;  
 nû hoeret ouch, wie ez ergienge dort.  
 Keie, der ellens rîche,  
 20 kom gewâpent rîterlîche  
 ûz, als er strîtes gerte;  
 ouch wâne, in strîtes werte<sup>K</sup>  
 des kûnec Gahmuretes kint.  
 swâ twingende vrouwen sint,  
 25 die sulen im heiles wûnschen nuo,  
 wande in brâht ein wîp dar zuo,  
 daz minne witze von im spielt.  
 Keie sîner tjost enthielt,  
 unz er zem Waleise sprach:  
 30 »hêrre, sît iu sus geschach,

dô ([\*]: do V) *om.* \*T

daz w., sîeze, cl. wîp \*G \*T

ou. daz l. \*T (*nur T*)

ouch *om.* \*G (*ohne Z*) \*T

kom g. r., \*T

alser st. g.; \*T (*ohne V*)

ich wâne, \*G \*T

kûneges \*T (I O L)

swâ nû dwingende (getrûwe L guote \*T) vr. s., \*G (*ohne O*) (\*T)

die solten im \*T (O L Z)

↓\*G \*T

\*D: D \*m: m Fr69 (293,8–10) \*G: G I O L Z \*T: T U V

3 Initiale L 5 Initiale D I Z T U 9 Initiale O 16 Initiale G 17 Majuskel D T 19 Initiale m 23 Initiale I

2 ûf] ûf der \*m (O L Z) 9 kiusche] sîeze \*m 13 ir] eht (ich m) ir \*m 23 kûnec] kûniges \*m 24 twingende] nû twingende \*m 29 biz er ze Parzival gesprach (sprach I O L): \*G  
 · unz (Mit U) er ze Parcifale sprach (gesprach U V): \*T